

# MIK 1998

## GRADOVI:

Grožnjan	21. lipnja
Čavle	22. lipnja
Pula	23. lipnja
Rijeka	24. lipnja
Krk	25. lipnja
Poreč	27. lipnja

## REDOSLIJED IZVOĐENJA NA FESTIVALU

### “MELODIJE ISTRE I KVARNERA 1998”

#### 1. MOJA ANKA - “MARINERO BAND”

(M. Tuhtan - Z. Turak/ M. Tuhtan - M. Tuhtan)

#### 2. BUDI TU - “HIGHLANDERS”

(M. Di Capua-D. Načinović-M. Di Capua / J. Feher)

#### 3. LETNJA NOĆ - VIVIEN GALLETTA

(I. Lesica - Z. Marunić - I. Lesica)

#### 4. NAVIGAL SAN - TABAKO & “AQUARIUS” i klapa “KRK”

(A. Justić - A. Morić - A. Justić)

#### 5. DA SI ME ONDA OTEL - SANJA LUKANOVIĆ

(A. Valenčić -V. Juretić - A. Valenčić)

**6. BALUN - VILI ŠKUFLIĆ**

(B. Krajcar-Lj. Bestulić Stanković - A. Valenčić)

**7. GIRASOLE - NOVELLA**

(Đ. Novković - D. Načinović - A. Valenčić)

**8. ČA SAN JA SAD ZA NJU - SANDI BULEŠIĆ**

(S. Bulešić - L. Morosin - A. Croci)

**9. RAJ - "KOLAŽ"**

("Kolaž" - Z. Marunić - I. Lesica)

**10. VRNULA SI MI SMIH VA OKO - JOSO BUTORAC I "VIVAK"**

(D. Paulik - V. Juretić - R. Grubišić)

**11. FRUTIVENDOLO - DUŠKO JELIČIĆ**

(I. Lesica - G. Viškanić / V. Tuhtan - I. Lesica)

**12. HODI Z MANUN - KARIN KULJANIĆ**

(M. Bobuš / R. Grubišić - M. Bobuš - R. Grubišić)

**13. ISTRIJANKA - ALEN LAZARIĆ**

(B. Krajcar -Lj. Bestulić Stanković - A. Lazarić)

**14. OSTANI KRAJ MENE - WERNER BROZOVIĆ**

(R. Grubišić - M. Bobuš - R. Grubišić)

**15. NE ZOVI ME VIŠE - JOZEFINA**

(N. Tamarut -L. Pošćić -A. Valenčić)

**16. NAŠE MATERI - "BATTIFIACA"**

(A. Valenčić - V. Alilović - A. Valenčić)

**17. 800 METRI - "GUSTAFI"**

(E. Maružin -E. Maružin -E. Maružin)

**18. DAŽ - ALEN VITASOVIĆ**

(B. Krajcar - B. Krajcar - A. Vitasović)

**19. CICE I GUZICE - "ŠAJETA"**

(D. Turina -D. Turina -E. Stanić)

**20. BELLA FIUMANA - MLADEN GRDOVIĆ**

(A. Rena - A. Rena -A.Baša / A. Valenčić)

**21. PADA DAŽ - VESNA NEŽIĆ RUŽIĆ I SERGIO PAVAT**

(Đ. Novković -Lj. Bestulić Stanković -A. Baša)

**22. LIPA MLADOSTI MOJA - TEREZA KESVIJA i klapa "KRK"**

(A.Baša - A. Baša - A.Baša)

**23. LIPOTO MOJA - VINKO COCE**

(I. Badurina -V. Juretić - A.Baša)

**24. KAD SAN TI BILA - RADOJKA ŠVERKO**

(I. Lesica - Z. Marunić -A.Baša)

---

**MOJA ANKA**

kad san te videl moja vila  
si mojmu oku draga bila  
da drugi mi te ne ukrade  
ja san pisal ti serenade

ma ti si vavek bila fina  
držala se kot šinjinorina  
spod oka furbo me spijala  
kad bi se va me namorala

**MOJA ANKA**

**VIDIŠ DA SMO NAS DVA, MALA, SREĆAN PAR**

MOJA ANKA,  
VOLIMO SE, KOKOLAMO SAKI DAN.  
MOJA ANKA,  
AJME JA SAN TVOJ I TI SI MOJA SA  
ZA MENE SI NAJLEPČI Z NEBA BOŽJI DAR  
PRAVA JUBAV TO SMO, ANKA, TI I JA.

na Lide si se ti banjala  
ča za te delan vražja znala,  
skakal kot munjen s tranpulina,  
i ronil spod tvojga kušina.

moja te j' ludost su zmutila  
na veli trud si popustila,  
nabola se na moje osti  
bušnul te i to j' bilo dosti

### **BUDI TU**

jene noči kad je misec užga svoj feral,  
ja san pošla do lanterne čekat zlatni val  
tamo di je sidro palo, čula san ti glas  
"budi s manon, budi s manon"  
rekla san ti: tu je svit za nas

BUDI TU, KAD ZVIZDA PADA,  
BUDI TU, TI ZNAŠ DA VRIME PRIKO NAS LETI  
BUDI TU I SAMO TAKNI ME U SNU  
JA JOŠ TE ZOVEN, ALI TEBE NI.

žuti špagi đeložije vežu me za mol  
vitar hita sve do neba suze, prah i sol  
tamo di je sidro palo, more sad šumi  
"budi s manon, budi s manon"  
glas se gubi, tebe više ni

### **LETNJA NOĆ**

friškeca me zbudi  
z letnjega sna  
jubav kade je  
zgorela je sa

ostal je samo  
sivi ta dim  
s ken sad pomalo  
i ja gorin

S KAMARE ZDOLUN  
GREN NA PRIVRAT  
NA ŠTERNU SEST ĆU  
NJIH POSLUHAT

ČRČKI KANTAJU JASEN DIŠI  
LETO DOŠLO JE  
A TEBE NI - TEBE NI

z kamare zdolun  
z noći va noć  
niš ni ko nekad  
za tobun ću poč

ostal je samo  
sivi ta dim  
s ken sad pomalo  
i ja gorin

S KAMARE ZDOLUN  
GREN NA PRIVRAT  
NA ŠTERNU SEST ĆU  
NJIH POSLUHAT

ČRČKI KANTAJU JASEN DIŠI  
LETO DOŠLO JE  
A TEBE NI - TEBE NI

ČRČKI KANTAJU  
JASEN DIŠI  
I OVO LETO  
NA LANJSKO DIŠI - DIŠI

### **NAVIGAL SAN**

moja ane kako leta gredu  
sve pasa moj cukaru i medu  
kako da san čera na prvi vijaj šal

tebi na rivu poljubac poslal

sva mora san pasal z' neveru i bonacu

celi svit bez gjedat ja znat ću

saki porat tri puti san pasal

istešo san se tebi ja tornal

NAVIGAL SAN CELOGA ŽIVOTA

ČEKALA ME TVOJA JE LIPOTA

LIPI CVITU ZI MOJEGA ŠKOJA

NA TE JA SAN MISLEL ANE

NAVIGAL SAN CELOGA ŽIVOTA

ČEKALA ME TVOJA JE LIPOTA

LIPI CVITU ZI MOJEGA ŠKOJA

TEBE VOLIN, TEBE VILO MOJA

još vavik pamtin svaki kraj vijaja

miris ružmarina z' našega kraja

kako da san čera na prvi vijaj šal

tebi na rivu poljubac poslal

### **DA SI ME ONDA OTEL**

opet govoriš da ti ja još puno značin

i da triban te

aš da me nikad nisi ni pozabil

i da biš opet popil z mojih usnic od dažja kapi

moliš me da ti se oprostim

da biš otel drugačije

I SAD KAD VRIME JE ZELO SE

I NI VAŽNO KI JE KRIV

I ŽIVOT JE SVOJE VEĆ ZEL

A DA SI ME LEH ONDA OTEL

kad trefimo se opet onako usput

kod dobri znanci, za besedu, dve

i tad sebičan ti ne budi, samo to te molin

da suzu lagje ja skrijen

aš bin otela i ja drugačije

SAD KAD VRIME JE ZELO SE

I NI VAŽNO KI JE KRIV

I ŽIVOT JE SVOJE VEĆ ZEL  
A DA SI ME LEH ONDA OTEL

### **BALUN**

Zaškurilo sprid portuna  
noć se trese ud baluna  
mladi plešu, škiče dica  
svire mih i roženica

I sve brže i sve jače  
svit se drma i sve skače  
našin starin u kantunu  
svo je srce u balunu

PLEŠU ŽLICA I PIRUN  
BUKALETA I BOCUN  
PLEŠU VITAR I LANCUN  
I NA KOTULI BOTUN  
NAMURANI U BALUN

Malo gori, malo doli  
niš ni teško ča se voli  
i divojke i mladići  
veseli su kako tići

I sve brže i sve jače  
sve se drma i sve skače  
noge štufe, potna lica  
svira mih i roženica.

PLEŠU ŽLICA I PIRUN  
BUKALETA I BOCUN  
PLEŠU VITAR I LANCUN  
I NA KOTULI BOTUN  
NAMURANI U BALUN

### **GIRASOLE**

gira il sole e ci guarda di lassu  
gia, pensavo c'e ra un sogno e non c'e piu  
ma una luce da lonatano mi guida va fino a te

mi dice va "vieni" e sai perche  
era sta seguedno la felicita  
e il girasole, tuta la vita  
senza parole che gira,  
gira se ne va

GIRA, GIRA ILI SOLE, SE NE VA,  
SENZA UN "ADDIO" ALLA CITTA  
SULLE SPIAGGE PIANGE IL MARE  
MA SE TU CI SEI, AMORE ORMAI  
C'E UN GIRASOLE IN ME, LO SAI  
GIA LO SENTO PALPITAR

gira il scritto tra le nubi "ci sara  
ci sara un giorno nuovo di bonta"  
una donna vagabonda  
come un fiore senza eta

### **ČA SAN JA SAD ZA NJU**

ona, ona ni kaj druge, ni  
ona zna ča smi  
ona se ne da  
do sebe drži

ona, ona ni kaj druge, ni  
i za strah ne zna  
ona ne ude, ona ne biži

Vajk po svome, vajk drugašlja  
nidan ne bi nju frma  
svojin puten sama gre,  
svojon glavon vajk pensa

A JA SE PITAN  
ČA SAN JA SAD ZA NJU  
DA LI SAN JOJ DOBAR ILI NE  
ČA SAN JA SAD ZA NJU  
ČA J' U MENI NAŠLA  
DA LI SAN JOJ DOSTA DA  
SVE ČA IŠĆE SVE ČA TRIBA  
PITAN SE, ČA SAN JA SAD ZA NJU



## RAJ

dobro čujte, dobri judi,  
aš va raj san ja prišal  
ovako san povedal  
kad Sveti Petar me j' pital

si ukral  
ča pitaš kada znaš  
da san lopov, da san tat  
kako kuću načinit, kako decu nahranit

si se tukul  
tukal san se, nego ča  
dan danas ruka boli  
ma na kacoti, a to ni greh  
vavek sam, a kontra seh

i zato ja Te molin  
aš ni mi bilo lahko,  
pa da mi bar na nebe  
već ne bude tako  
da moran varat i lagat  
tuć se, pit i krast  
daj mi Petre raj

VA RAJ ME JE POSLAL  
MAGAR NISAN MERITAL  
DOBRI JUDI ČULI STE  
SVETI PETAR VIDI SE

VA RAJ SAN ARIVAL  
KUMPA NIJU SU NAŠAL  
SI SU ŽIVI, SI DOBRO  
I KANTA JU VESELO

a on daje pita  
si svoju ženu prevaril  
da prevaril i još bin  
ko da sam san kad šnjun spin  
da si mesto mane bil  
ča biš Petre ti storil

si lagal

ki danas još ni lagal,  
ki ni varal ki ni kral  
da po ten se meri kraj  
bi prazan bil ta Tvoj raj

i zato ja Te molin  
aš ni mi bilo lahko,  
pa da mi bar na nebe  
več ne bude tako  
da moran varat i lagat  
tuč se, pit i krast  
daj mi Petre raj

VA RAJ ME JE POSLAL  
MAGAR NISAN MERITAL  
DOBRI JUDI ČULI STE  
SVETI PETAR VIDI SE

VA RAJ SAN ARIVAL  
KUMPA NIJU SU NAŠAL  
SI SU ŽIVI, SI DOBRO  
I KANTAJU VESELO

### **VRNULA SI MI SMIH VA OKO**

kad su već barke se potonule  
kad je ov život bil tako siv  
va njega si se ti ušećala  
so sunce svita donesla mi.

veroval nisan više va sriću  
ku srce more još sebi zet  
a sad već samo da me pogjedaš  
ja znan da ju moren imet

VRNULA SI MI TI SMIH VA OKO  
OPRLA MI JUBAVI PUT  
SI MOJI STRAHI SI UGASILA  
OPET ME ZOVE MISEC ŽUT

UMIRILA SI SE MOJA SANJE  
JA OPET MIRNO ĆU ZASPAT  
NAŠLA VA MENI VRIĆU JUBAVI  
ČA SRCE NI DOSPELO DAT

## FRUTIVENDOLO

na mrkate pod urun frutivendolo nuti  
naranči i jabuki da mu ki kupi  
pa njurga na judi i celi ta svet  
sega mu je dosta va raj bi otel

kamo mastiš svete moj srdačni  
zrak sej huji zemja puna škuji  
more ti je blatno, zlato već ni zlatno  
kamo mastiš, kamo greš

kamo mastiš svete moj srdačni  
črno j' belo se sej' na zlo zelo  
tići ne kantaju, morski pasi laju  
kamo mastiš kamo greš

I DOKLA FRUTIVENDOLO JABUKI PRODAVA  
MILE NON PJU MILE - KUCA NAN NA VRATA  
A ON ŠAL BI GORE - VA RAJ BI OTEL  
FRUTI FRUTI VENDOLO - IŠĆE VEĆ SKALER

na mrkate pod urun svoji fruti nuti  
aš trebe živet a niki da kupi  
pa njurga na judi i celi ta svet  
otel bi va raj a nima skaler

kamo mastiš svete moj srdačni  
jelvi suše otrovi te guše  
nebo već ni celo, se sej' na zlo zelo  
kamo mastiš, kamo greš

kamo mastiš svete moj srdačni  
bez užanci vrajžji to su tanci  
judi bez krjanci, fruti bez šušanci  
kamo mastiš kamo greš

I DOKLA FRUTIVENDOLO JABUKI PRODAVA  
MILE NON PJU MILE - KUCA NAN NA VRATA  
A ON ŠAL BI GORE - VA RAJ BI OTEL  
FRUTI FRUTI VENDOLO - IŠĆE VEĆ SKALER

na mrkate pod urun njega više ni

sada on va raje naranče broji  
a judi kot judi ta munjeni svet  
i oni bi va raj, ma kade je skaler

### **HODI Z MANUN**

va srcu mojen su svitla kad svičarica gre  
to sviti tvoja jubav kroz moje nevere  
va rukah mojih si ti kad more diši,  
'jubav z mene teče i tebi biži.

HODI Z MANUN I NE BOJ SE,  
JA TI NEČU ZLO DONEST.  
UKRAST ČU TI SAMO RAME  
I POKAZAT TI OD DUŠE RANE,  
ZATO HODI, HODI Z MANUN TI.

i ne boj se kad zaplačen s tobun će duša govoret  
i kad stisnen te za ruku, znan, ti ćeš razumet.  
daj, vrati mi ono ča j' neki ukral,  
i za dušu i za telo rabi mi tvoja 'jubav.

### **ISTRIJANKA**

najbolja si ti, bolja od sih  
s tobom mi suza biži na smih

se ča ne valja na dobro mi gre  
s tobom sve je lako je sve  
s tobom lako mi je

ČA MOREŠ TI TO NE MORE SAKA  
ZA DRUGU SE NE BIN Z MISTA MAKA  
A ZA TE BIN SUNCE NA NEBU TAKA  
TI MOJA SI ISTRIJANKA

najlipša si ti, lipša od sih  
i niš na svitu s tobom ni grih

sve ča ne valja, na dobro mi gre  
s tobom sve je lako je sve  
s tobom lako mi je

ČA MOREŠ TI TO NE MORE SVAKA  
ZA DRUGU SE NE BIN Z MISTA MAK  
A ZA TE BIN SUNCE NA NEBU TAKA  
TI MOJA SI ISTRIJANKA

i neka je tako  
i neka dura  
bez tebe srce  
hodit ne zna

ČA MOREŠ TI TO NE MORE SVAKA  
ZA DRUGU SE NE BIN Z MISTA MAK  
A ZA TE BIN SUNCE NA NEBU TAKA  
TI MOJA SI ISTRIJANKA

### **OSTANI KRAJ MENE**

kad je jutros sunce zišlo 'z mora  
femalo je onu lipotu  
još puno jubavi čuvan ja za te  
se si mi ti va oven životu

kad te čvrsto stisnen ja va sebe  
zaspat ćeš ko miće dite  
va kući od naše vele jubavi  
zlato moje kraj mene

MA NEKA GRE K VRAGU SE,  
DAJ OSTANI KRAJ MENE  
Z MAESTRALON BUŠEVAT ČU JA TEBE

NEKA GRE K VRAGU SE,  
JA NE MOREN BEZ TEBE  
SKUPA Z GALEBON VRISKAT ČU "VOLIN TE"

### **NE ZIVI ME VIŠE**

NE ZIVI ME VIŠE  
AŠ ME BRIGA NI  
NI ŽAL MI NI SE PUŠĆAT  
I RUKU KEMU DRUGEMU DAT.

NE ZOVI ME VIŠE  
AŠ NEĆU TU OSTAT,  
MOJU SI JUBAV HITIL ĆA  
I NE MORE VIŠE BIT TVOJA.

i zač bin morala opet reć  
dobro je i pozabi to  
aš će se po staron bit  
i niš se neće, neće promenit.

NE ZOVI ME VIŠE  
AŠ ME BRIGA NI  
NI ŽAL MI NI SE PUŠĆAT  
I RUKU KEMU DRUGEMU DAT.

ne znan ću se brzo refat,  
počet delat novi put,  
se pustit zad sebe,  
se - samo rad tebe.

i zač bin morala opet reć  
dobro je i pozabi to,  
se pustit zad sebe -  
samo rad tebe.

NE ZOVI ME VIŠE  
AŠ NEĆEŠ NIŠ STORIT  
I NE PITAJ ME ZAČ SAN TAKOVA  
DRUGAČIJA NE MOREN BIT.  
DRUGAČIJA NE MOREN BIT.

### **NAŠE MATERI**

on: ko nećeš joj ti reć  
ću joj reć pak ja  
ča va saku stvar  
ona se vajak pača

nemoj mi zet za slabo  
ja znan da ti je mat  
ma mane me more merit  
koliko ću ja spat

ona: ma, ča biš ti otel  
ča boja je tvoja?  
saki put kad pride  
kolap me čapa

tebe kot otroka  
mičega stima  
se ča skuhan, ne vaja,  
nisan za te ja dobra.

on: se ča skuhaš ne vaja.  
ona: nisan za te ja dobra.

MA NEMOJTE SE PUSTIT  
PUNICE VA RUKI  
SVEKRVA ČE VAS VEĆ  
NAVADIT NA SE MUKI

NEMOJTE BACILAT  
LEH POTRPITE SE  
AŠ NE MORU VAN BAŠ NIŠ  
SAMO KO SE VOLITE

ona: i tvoj otac je brižan,  
š njun mu sreći ni.  
on po kuće smiron dela,  
ona počiva i leži.

njega kad san ti videla  
morala san znat  
da pred materun tvojun  
mora on mučat.

tvojmu je baš boje  
te prosin, ne nemi  
tr saki njegov šolad  
mat ti potroši.

na kega si takova,  
mogal san ja znat  
se ča vreme daje hodi  
bit ćeš njurgava ko mat

ona: se ča vreme daje hodi...  
on: bit ćeš njurgava ko mat

## Refren

adam brižan ni punice imel,  
adam je baš živel va raje.  
i ča boje mu je bilo  
kad si jako dobro znamo  
kako finil je na kraje

## Refren

### **800 METRI**

osansto mi metri rabi  
do te z okon doj  
ma do toga srca  
z motorinon moran poj

osansto me metri dili  
od onega ča  
od onega ča je moje  
i ča bin stija ja

osansto mi metri fali  
da se još pasa  
osansto mi metri fali  
da bin te ima

ostansto mi metri rabi  
da te z okon doj  
ma do toga srca  
kilometre rabi poj

osansto san dani gleda  
kako ti pupaš  
i sada nikoj moni  
sve to ti da daš

osansto san noći  
tamo bija ja  
spoda toga okna ja bin  
njušija i krepiva

osansto i jedan korak



učini' ću ja  
z bičikleton ću poteći  
da ne ujdeš čja

osansto mudantic  
dosada san suka ja  
nijena mi ni pasala  
da je nis prova

ma osansto i prva  
tako vrag me da  
osansto i prve biće toje  
tako ja krepa

### **DAŽ**

daž, pada daž  
sunce čeka niko drugo vrime  
kap po kap  
daž na staklu piše tvoje ime

sam, nisan sam  
pijem biru i cigaretu ja fuman  
svaki dan, ja gren tebi  
ma do tebe ne 'rivan

SAM SAN BEZ UMBRIJE  
DOK VANI PADA DAŽ  
JA MOKAR SAN IZNUTRA  
SAD BIT ĆU ANKE ZVAN

A VANI SVE JE BLATNO  
NA NEBU DAŽ GORI  
DOK TVOJE SRCE ZLATNO  
UD MENE SAD BIŽI

### **CICE I GUZICE**

DA IMA CICE KAKO ČIŠPE  
I VELU RIT KO VELEBIT  
I DA ZGJEDA KAKO BOVA  
DA SE NE MORE POTOPIT

DA JE GRDA KO POL NOĆI  
I DA JE BELA KAKO SIR  
SAMO DA MI NE PRIGOVARA  
JA BIN STORIL PIR

najprvo san ja jenu maloletnicu ćapal  
njena mat me je prijavila  
na policije izjavu san dal  
od onda se ja na onu narodnu izreku furan  
ki z decun spi, zbudi se pocuran

kašneje je jena bjonda  
kako brek za manun hodila  
imela je telo kako san  
ma moje kancone ni kapila

Refren

neke ženske moja su jako lepe bile  
nisu kuhale nisu šile  
su se piturale i nogi brile

jedno vreme san se bil  
va intelektualke infišal  
su mi smirun prodikale  
pa san se štufal

radi ženskeh ja san lagal svoju staru  
radi njih oko vrata obešal gitaru  
radi njih mi je med nogami brćela honda  
ma prave su bile samo va filme od james bonda

i ki zna kamo ću još radi ženskeh arivat  
mene ne rabi droga, one će me rovinat  
ja san slab samo na črne, kafene, rošaste i bjonde  
dugeh vlasti, kratko ostižene, rice  
na vele i miće cice i na razne guzice

**BELLA FIUMANA**

vissuti amori di una citta  
di tanto, tanto tanto tempo fa  
ragazzi della tua via che

cantavano per te

notti di canti, le fisarmonice  
suona te sotto la finestra tua  
privi di tutto, dentro i nostri cuor  
nasceva una canzon

BELLA FIUMANA INNAMORATA  
SOTTO LA TORRE CHE BATTE LE ORE  
STAI ASPETTANDO IL TUO PRIMO AMORE  
UN SOGNO E GIA REALTA

notti di canti, le fisarmonice  
suona te sotto la finestra tua  
privi di tutto, dentro i nostri cuor  
nasceva una canzon

### **PADA DAŽ**

u kamari tisnoj ti me čekaš sada  
škuro je na nebu a daž meko pada  
užgala si sviću koltrinu potegla  
u lancune bile profumana legla

znan da ti je korak  
spod starega debla  
na kapotu nosiš  
kapljice od srebrea  
samo dopri vrata  
ne mi rabi drugo  
slušat ćemo skupa  
kako plaće jugo

ZGORILA JE SVIĆA  
KOLTRINA SE MAKLA  
PROLIJA JE OBLAK  
SUZU PRIKO STAKLA

U KAMARI TISNOJ  
LIPO JE I SADA  
JUTRO JE NA NEBU  
A DAŽ VANI PADA

## LIPA MLADOSTI MOJA

ni kanconete nisu iste kot ča nekad bile su  
i kantaduri svoje note za dišpet kambjali su

ma ova će kanconeta baš za našu dušu bit  
i kantat će z nami saki ki već sega toga j' sit

ma da ni muški nisu pravi kot ča nekad bili su  
i bakalar da nima vonj, aš da ga krivo delaju

ma ovdı su pravi muški i dobro kantaju si  
i bakalar se najde kad je gusto, kad je lačan ki

i da već ženske nisu iste, da na isto misle se  
ma da se merlin brzo skuha, leh za juhu dobar je

vavik isto se je, ja govorin varaju se si  
samo pravi judi išči, ako pitaš, to smo mi

MA LIPA MLADOSTI MOJA, KADI SI, KADI SI ?

## LIPOTO MOJA

zavavik san te  
va srce spravil  
s tobun se budil  
s tobun šal spat

ime još tvoje  
šapjen, jubavi  
si baren srična  
da mi je znat

LIPOTO MOJA  
KA ME OPAJA  
NAJSLAJE VINO  
NAJLIPJI SAN

LIPOTO MOJA  
ČEŽNJO BEZ KRAJA  
JUBAVI DAJ MI  
BAR JEDAN DAN

ča vrime zame  
srce još čuva  
da smo bar znali  
mi povedat

ime još tvoje  
šapjen, ljubavi  
si baren srićna  
da mi je znat

### **KAD SAN TI BILA**

Kad san ti bila  
se na svitu  
kad san ti bila  
jubav tvoja jedina vela  
kad san ti bila

imela san veru va te besedi  
kada me moliš  
sad već ne pitan  
aš reć mi nećeš da isto me voliš

NASMET ĆEŠ SE SAMO I NIŠ NEĆEŠ REĆ  
JA SKRIT ĆU SUZU KA ĆE POTEĆ  
PA ĆU NASMET SE I NIŠ NEĆU REĆ  
MUČAT ĆU I MISLET NA ONI DANI  
NA ONI DANI

Kad san ti bila se na svitu  
kad san ti bila  
jubav tvoja jedina vela  
kad san ti bila